

**PRAVILNIK
O IZMJENAMA PRAVILNIKA O IZBORU,
IMENOVANJU I RAZRJEŠENJU DIREKTORA
OSNOVNIH ŠKOLA KANTONA SARAJEVO**

Član 1.

U Pravilniku o izboru, imenovanju i razrješenju direktora osnovnih škola Kantona Sarajevo ("Službene novine Kantona Sarajevo", broj 2/18) u članu 5. stav (15) se mijenja i glasi:

"(15) Ukoliko nijedan od kandidata nije dobio više od 50% glasova od ukupnog broja članova vijeća, na istoj sjednici nakon saopštenja rezultata glasanja, organizira se drugi krug glasanja na glasačkim listićima na kojima su navedena imena prvorangiranog i drugorangiranog/drugorangiranih kandidata iz prvog kruga glasanja. A ukoliko u drugom krugu glasanja niti jedan kandidat ne dobije više od 50% glasova od ukupnog broja članova vijeća, podršku vijeća roditelja osigurao je onaj kandidat koji je osvojio više glasova u drugom krugu. U slučaju istog broja glasova, kandidat će biti izabran žrijebanjem."

Član 2.

U članu 6. stav (15) se mijenja i glasi:

"(15) Ukoliko nijedan od kandidata nije dobio više od 50% glasova od ukupnog broja radnika škole, na istoj sjednici nakon

saopštenja rezultata glasanja, organizira se drugi krug glasanja na glasačkim listićima na kojima su navedena imena prvorangiranog i drugorangiranog/drugorangiranih kandidata iz prvog kruga glasanja. A ukoliko u drugom krugu glasanja niti jedan kandidat ne dobije više od 50% glasova od ukupnog broja radnika škole, podršku radnika osigurao je onaj kandidat koji je osvojio više glasova u drugom krugu. U slučaju istog broja glasova, kandidat će biti izabran žrijebanjem."

Član 3.

U članu 8. stav (1) mijenja se i glasi:

"(1) Ministar i načelnik općine na čijem području se nalazi škola su obavezni da, u roku od deset dana od dana prijema blagovremenih i potpunih prijava kandidata koji ispunjavaju uvjete za direktora, školskom odboru dostaviti svoje pisane stavove o prijavljenim kandidatima za direktora."

Član 4.

Ovaj Pravilnik stupa na snagu danom donošenja i isti će biti objavljen u "Službenim novinama Kantona Sarajevo".

Broj 11/04-02-28309/18
19. jula 2018. godine
Sarajevo

Ministar
Prof. dr. Elvir Kazazaović, s. r.

GRAD SARAJEVO

Gradonačelnik

Na osnovu člana 4. i člana 5. stav 1. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), a u vezi sa članom 23. stav 1. 2. i 3., Odluke o izvršavanju Budžeta Grada Sarajeva za 2018. godinu ("Službene novine Kantona Sarajevo", broj 1/18), gradonačelnik Grada Sarajeva donosi

ODLUKU

**O ODOBRAVANJU SREDSTAVA SA POZICIJE
TEKUĆA REZERVA**

Član 1.

Ovom Odlukom odobravaju se novčana sredstva Udruženju matematičara Kantona Sarajevo (u daljem tekstu: "Udruženje matematičara"), kao finansijska podrška za odlazak takmičara i lidera ekipe na Internacionalnu matematičku olimpijadu (IMO), u Cluj - Napoci (Rumunija).

Član 2.

Sredstva za realizaciju obaveze iz člana 1. ove Odluke odobravaju se iz Budžeta Grada Sarajeva za 2018. godinu ("Službene novine Kantona Sarajevo", broj 1/18) sa pozicije: Tekuća rezerva, u ukupnom iznosu od 1.000,00 KM (slovima: jednahiljada KM).

Član 3.

Sredstva iz člana 2. ove Odluke, Gradska služba finansija će doznačiti na račun "Udruženja matematičara", broj 1610000156600012 kod Raiffeisen banke d.d. (svrha doznake: finansijska podrška za odlazak takmičara i lidera ekipe na Internacionalnu matematičku olimpijadu (IMO), u Cluj - Napoci (Rumunija).

Član 4.

"Udruženje matematičara" se obavezuje da u roku od petnaest (15) dana, nakon utroška sredstava iz člana 2. ove Odluke, gradonačelniku Grada Sarajeva dostavi izvještaj i kompletnu dokumentaciju o namjenskom utrošku sredstava, koja su doznačena iz Budžeta Grada Sarajeva za 2018. godinu i to:

- Izvještaj o namjenskom utrošku sredstava;
- Pregled utroška dodijeljenih sredstava sa obrazloženjem;
- Ovjerenе kopije faktura od davaoca usluge ili dobavljača;
- Ovjerenе kopije računa o izvršenom plaćanju (bankovna uplatnica);
- Izvod banke o izvršenom plaćanju na račun komitenta

Član 5.

Grad Sarajevo zadržava pravo da zahtijeva povrat odobrenih sredstava iz člana 2. ove Odluke, ukoliko utvrdi da "Udruženje matematičara" nije namjenski utrošilo ista.

Član 6.

U slučaju neispunjavanja obaveze iz člana 5. ove Odluke, Grad Sarajevo ima pravo da pokrene postupak za povrat odobrenih sredstava, pred nadležnim sudom u Sarajevu.

Član 7.

Za realizaciju ove Odluke zadužuju se Gradska služba finansija i Gradska služba za obrazovanje, kulturu, sport i mlade.

Član 8.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/09-14-3988-2/18
17. jula 2018. godine
Sarajevo

Gradonačelnik
Abdulah Skaka, s. r.